

Anutu (God) vhe' ene mifaka' ya ene eri
fore hu'nea

1 Avue Ese' agafare' Anutu (God) mona ene
 mopa ene eri fore hu'nea. Mopa tro
hu onte'negeno' Anutu (God) mofo vamu'a ti
voyare' mni'nea. Msa osu' kumyu' hani
hu'negeno' Anutu (God), Msa huo, higeno',
msa hu'nea. Anutu (God) knare' msa keteno'
mgo' kyiga nténo', Msa ko' tu'nea, huno', hia.
Mgo' kyiga hani higeno', Hani ko' tu'nea,
huno' hia. Na yupa ese' yupa.

Anutu (God), Mrerio, higeno' korimpe'na
timpinti' mreri'nea. Mrerigeno', Mona, huno'

hia. Na yupa nante' yupa.

Anutu (God), ke higeno' mgo' kyiga tina
mrerigeno' mgo' kyiga mopa fore hu'nea.

Anutu (God), Yafa ene hofa ene traya ene
ne'ya one'ya tgisie, higenc' tgi vareno'
tgi'nea. Na hakare yanteti' rga'a reteno'
hakare tgi vare'nea. Na yupa tgufa yupa.

Anutu (God), Monare' tvi fore hnia,
nehigeno' ygea ikana ofua fore hu'nea.
Ygea neregeno' mopafi msa hu'nea. Anutu
(God) higeno' hanimpi ofua ikana mreri'nea.
Yge ko' tu'nenno' fru ko' tia. Na yupa
taregi' taregi' yupa.

Anutu (God) higeno' ne' noyara one'
noyara timpi mni'nea yga fore hu'nea. Na
noyara timpi nemnia yga ru mofo ru mofo
ksente'nea. Anutu (God) higeno' ru mofo ru

mofo nma eri fore higeno' na nma ru mofo ru
mofo ksente'nea. Na yupa nayatiga yupa.

Anutu (God) higeno' mopafi hakare yga fore
hu'nea. Anutu (God) fi' yga kumate' yga
aga hu onte' yga fore hu'nea. Anutu (God)
ma fore hu'nea yga, ru mofo ru mofo
ksente'nea. Anutu (God) higeno' vhe' mofo
yga mofo ne'ya ma nesia ya hge'nea.

2 Avue Anutu (God) higeno' vhe' tro
 hunteku' hanki ve ene a' ene tro
huynante'nea. Anutu (God) mopa eri kripeno'
vhera Anutu (God) agra kna' tro hunte'nea.
Tro hunteno' agonagampi asimu'a hu hu
vyintegeno' vhe' otino' mni'nea. Mni'negeno'
mopafinti' tro hunteno' na vhe' agi'a Ata

hu'nea.

Anutu (God) Etene mopare' hoya tinkenare'
tro huno' Ata avreno' vu'nea. Na hoya mu'
nompí vhe' neteno' ksefa ofri' yafa ete vhe'
neteno' mika' hviya tmaya gafa nthi' mofo yafa
me'nea. Anutu (God) Ata asmi'nea, Hoyare' kva
nehunka yafarga tginka no. Neteno' hviyana
tmayana nthi' mofo yafarga ono. Netesunka
frigahane.

Numaya Anutu (God) mopanu' nma ygagfa tro
hunteno' Ata hirega ymavreno' vigeno' Ata
ymagi' nte'nea.

Atake' mni'nea, Anutu (God) hu'nea. Hviya
hia hanki a' tro huntegahue. Na ara aya hugahia.
Anutu (God) Ata ayeri msente'negenó' mse'nea.
Nemsegeno' asoya yferina avyu huno' na asoyanu'

a' tro hunte'nea. A' tro huntogeno' Ata
otigeno' a' ami'nea. Amigeno' Ata keteno',
Nagri' yferinare' tro hugante'nea. Are,
huno' hu'nea. Nanku' vene'ne mo' arera' afa'
atreno' nenaro' one ome hgerfino' mgo' kna'
kna' huno' nemnia. Atanku', Hofrave ksentenka
mika' yante' kva huo, Anutu (God) huno' hia.
Anutu (God) agri' eri fore hu'ya keteno',
Knarere, huno' hia. Na yupa (6) nayantega
mgo' evuria yupa. (6) Nayantega mgo' evuria
yupa eri'ya eriteno' vgareno' (7) nayantega
tare evuria yupare' Anutu (God) mni fru hu'nea.

Na araverre agye osigeno' kena omsi'na'a.

Vhe' Hviya hu'nea.

3 Avue Osifa've revtga hu' yga mni'nea.

Osifa've a'nenku', Na yafarga
hoyafi ma me'nea yafarga Anutu. (God) one'o
hu'neo. Na yafarga nenenka ofrigahane. Hviyana
tmayana gafa nthigahane. Anutu (God)
nths'negenka agri' kna' hunka mnigahane.
Osifa've higeno' na a'mo' na yafarga keteno'.
Avesigeno' tginu' ne'nea. Neteno' mgora amigeno'
neve'a ne'nea. Nete'ne kena omsi' nthite'ne
ynagye hu'ne fre'na'e. Freteno' kena msiku'
yafani'na hti'na psi'na'a.

Anutu (God) yge nefrigeno' hoyafi

nevigeno' na araverre Anutu (God) mofo ageru'
nthi'nea. Nthino' yafafinka fre'na'a. Fregeno',
Iga mni'nane, na vheku' Anutu (God) ke hu'nea.
Higeno', Kageru' nthi'na kena ma omsi'na ma
nthi'na koro froa. Higeno', Aya kasmia. Kase
ma hu'nue yafarga ne'nano. Anutu (God) higeno',
Kagra ma nami'nane a'mo' na yafarga neteno'
namige'na ne'nue. Ata higeno', Osifa'vemo'
renavtga hige'na ne'nua, Eva higeno' osifa've
ku' Anutu (God), Na hu'nana nona'a mopafi
kasguregati' vano huo. Vano nehunka kunguna
negahane. Ke hugeta' mofrave ma ksentesa'a
mofravemo' nmpura mnigahia. Agamerumpafi
amprigahane. Amprisnankeno' kanumpi kahegahia.
Anutu (God) na ge higeno' a'nenku', Ke hügenka

kata negrina mofrave ksento, hia.

Negavenku' kavesigahia. Kagria kva

hugantegahia. Na ge higeno' Atanku ,

Kagra na hutege'na ke hugeno' ino traya

mopafi hgegahia. Tusi eri'ya e'nerinka

ne'ya erinka negahane. Na hunka hunka

hunka frinka kavufga mopa segahia.

Kavufga mopare' eri kripe'na tro hugantue

hanki mopa segahane. Na ge Anutu (God)

huno' yga ayoka' erino' kukena huynantegeno'

psi'na'e. Eva mika' mofrave ksenteuku'

Ata nthino' agi'a Eva nte'nea.

Na araverre hviyana trayana nenthigeno'

Anutu (God) Kmago, nagra nthi'nua ya

nenthia. Neteno' ksefa ofri' yafarga

tgino' nesia. Neteno' ofri' mnivava

hugahia. E'i yanku' Anutu (God) na ge
higeno' na araverre ynahefegiteno' sa knare'
hoyafinti' vuteno' Ata otino' vuno' hoya
eri'nea. Vhe' ma neteno' ofri' yafa kva
kriku' Anutu (God) knare' hoyare' ngo'
kyiga ankero nteno' tusi kyina teve kyi
nte'negeno' rukrhe hu'nea.